



Central University of  
Technology, Free State

# DIPEHELO TSA KHEMPASENG

## WENA o ka thusa RONA ho fokotsa kotsi

1. Ke boikarabelo ba MOTHO E MONG LE E MONG ho boloka tikoloho ya tshebetso e bolokehile.
2. Hlompha o boele o ikobele dipehelo tsohle tsa khempaseng.
3. Fokotsa metsamao ya hao ha o le khempaseng.
4. Laola boitshwaro ba hao ha o le ka ntle ho khempase hore o fokotse kotsi ya ho tshwaetsa batho ba bang.
5. Mmoho re ka nnetefatsa hore re kgutlela khempaseng e bolokehileng.



Boloka matsoho a hao a hlwekile ka ho a hlatswa kapa ho a tlola ka sebolayadikokwanahloko kgafetsa. O se ke wa ama batho ba bang kapa wa ba tshwara ka matsoho ha o dumedisana.

Kenya semonkwana (mask) se kwahelang nko le molomo ka dinako tshohle ha o le hara batho kapa ha o kena sebakeng se neng se na le batho.



Etsa sekgeo sa dimitara tse pedi dipakeng tsa hao le batho ba bang ho fokotsa kotsi ya ho tshwaetsana.

Ikwahele ka setsu ha o thimola kapa ha o kgohlela (le ha o kentse semonkwana) kapa o sebedise thishu mme ha o qeta o e lahlele moqomong. E bang o ka kgohlela kapa wa ithimola o kentse semonkwana, o lokela ho kenya se seng se hlwekileng ebe o hlatswa se silafatseng ka sesepa le metsi a futhumetseng.



Bulela moya hore o kene ka ofising, phaposeng ya thupelo kapa ka tlung. Bula fesetere le lemata hore moya o kene. Tswela ka ntle kgafetsa hore o fumane letsatsi le moya o hlwekileng.

Pehelo ya ho notla metsamao (curfew) e tla latelwa khempaseng. Baithuti bohle ba dulang dihosetele le basebetsi ha ba tshwanela ho tswa dibakeng tseo ba dulang ho tsona ho tloha ka hora ya leshome (bosiu) ho fihla ka hora ya bone (mesong). Baithuti ba sa duleng dihosetele le basebetsi ba bang ha ba dumellwa ho kena khempaseng ka dinako tseo.



Tswelang pele ho tshwara dikopano ka marangrang moo ho kgonahalang. Dikopano tse tla tshwarelwa khempaseng e tla ba tsa batho ba leshome feela mme ba tla lokela ho etsa sekgeo sa dimitara tse pedi dipakeng tsa bona.

Fokotsa tshebediso ya ditokomane tsa pampiri ka moo o ka kgonang. O se ke wa arolelana mohala wa thekeng kapa disebediswa tse ding tsa ileketeroniki le batho ba bang pele o di phumula ka sebolayadikokwanahloko.

**Ha o hloka tlhahisoledi e batsi,  
ikopanye le batho ba latelang:**

Chief Risk Officer, Mr TK Raseleka:  
traseleka@cut.ac.za  
SHE and Sustainability, Mr M Mareko:  
mmareko@cut.ac.za

